

Universitätsbibliothek Paderborn

Instructio practica ...

De Horis Canonicis Juxta Rubricas Breviarii Romani ritè recitandis - In qua
etiam ipsæ Rubricæ Notis brevibus illustratæ, & Martyrologij Romani
nomina suis Accentibus signata continentur, Ad Faciliorem Discentium
Vsvm Ac Prixin

Lohner, Tobias

Dilingæ, 1676

§. 10. De Antiphonis B. V.

[urn:nbn:de:hbz:466:1-48333](#)

§. VIII.

De Precibus.

I. **S**Emper dicuntur, exceptis Duplicibus, & diebus infra Octavam. Omituntur etiam, quando dies octava incidit in Dominicam privilegiatam. Gavant. *sect. 3. c. 8. n. 13.* ut supra quoque ad Primam §. 8. notatum est.

II. In Versibus tempore Paschali non additur Alleluia.

§. IX.

De Oratione.

I. **S**Emper dicitur, excepta Feriâ quintâ Cœnæ Domini, & die Parasceves.

II. Subjunguntur illi Versus consueti *Dominus vobis-cum, Benedicamus, benedicat.*

§. X.

De Antiphonis B. Virginis.

I. **S**Emper dicuntur, præterquam in Feria quinta & sexta Sacrae Hebdomadæ.

II. Variantur pro diversitate temporis, prout in quavis Antiphona post Completorium notatur. Dubitari tamen potest de Antiphona *Alma Redemptoris*, an si Purificationis Festum ob Dominicam privilegiatam differatur, ut hoc anno factum est, etiam Antiphona illa transferri debeat? & responderet Gavantus *sect. 5. c. 22. n. 7.* affirmativè, eò quod in tali casu semper adhuc de partu B. Virginis fiat mentio; quam ob causam ait citatus Author, si Purificatio alicubi Octavam habeat, dictam Antiphonam per totam Octavam descendam esse, eò quod omnes Octavæ dies pro uno die reputentur.

III. In fine subjungitur Versus *Divinū auxilium, & Pater, Ave, Credo.* Præter hæc ex præscripto nihil dicitur; aliqui tamen vel Psalmum *Laudate Dominum omnes gentes*, vel Orationem sequentem addunt. *Sacrosancta & individua Trinitati, Crucifixi Domini nostri IE SV Humanitati, beatissimæ & gloriissima, sempérque Virginis MARIÆ secunda integratæ, & omnium Sanctorum Universitati sit sempiterna laus, honor, virtus, & gloria ab omni creatura, nobisque remissio omnium peccatorum per infinita saecula saeculorum. Amen.*

D 2

Benta

*Beata Viscera MARIAE Virginis, qua portaverunt eti
Parris Filium. Et beata ubera, qua laetaverunt Christum
Dominum. Pater noster. Ave MARIA. cui Orationi Leo
remissionem culparum in Officio recitando commissarum
indulxit.*

P A R S III.

DE CÆREMONIIS IN
OFFICIO DIVINO PUBLICO
CANTATO OBSERVANDIS.

Hactenus, quæ ad privatam Horarum Canonicarum citationem pertinent, explicata sunt. Restat nunc, quoniam non pauci Sacerdotes ad Horas easdem publicè, in Choro recitandas obligantur, pro uniformitate servandæ etiam, quæ Cæmoniæ tunc observandæ sint, breviter hac quarta parte indicetur. Antequam autem hoc præstatur, nosse velim Lectorem, quod omnia, quæ hic dicentur ex Cæmoniali & praxi Romana fuerint desumpta, quæcum sit Matrix & Magistra Ecclesiarum, meritò illi potius quam aliis Ecclesiis se accommodant, qui ad peculiares Liturgias vel Ordinis consuetudines (quas non tolli à Cæmoniali Romano, neque à Rubricis Breviarij, teste Gavanto s. n. c. 2. n. 1. saepius declaravit Sacra Congregatio, modò non ita pugnant cum universa Ecclesia, ut peritiorum judicio nonnullus laudabiles videantur) non obligantur.

T I T U L U S I.

DE CÆREMONIIS IN MATVTINIS
OBSERVANDIS.

I. **E**t si Matutinum, prout ordinariè in locis Chorum habentibus cantatur, nunquam in Pluviali cantari debet; eò quod Pluvialis usum Rubricæ Missalis tit. 19. non tantum in Vesperis & Laudibus concedant; quia tamen in aliquibus Ecclesiis Chorum ordinarium non habentibus moratur, ut aliquoties in anno Matutinum solemniter, perinde ac Ve-